

Wayner gegeben ist, nicht gewilkort, so kan ym Hans Wayner mit synen gewercken yn syne lehen, die er also lange gebuet hatt, keynen ynfal gemacht, sundern was er genge vorstrossit unde mit slegil unde ysen obirfaren hatt, sal er mit synen gewercken gebruchen noch synem fromen. Konde abir Hans Wayner mit synen gewercken hinder ader yn dem durchslag, den er kegin Heidenriche gemacht hatt, ichts irkrigen mit slegil unde ysen, daz magk er thun mit rechte.

980.

Stephanus Nufenger verpflichtet sich, von dem dritten Theile eines beim Sperling gelegenen Ackers zum Altar der Häuerknappschaft in ULF Kirche jährlich ein Schock Zins zu geben, und setzt dafür ein anderes Stück Acker ein.

1426 Oct. 7. 10

Hdschr.: Or. Perg. Hauptstaatsarchiv Dresden No. 6039b. Das S. an Pergamentstreif. Schild: Pfeil? Umschr.: S. Stephani Nwfenger.

Anm.: Vergl. No. 969.

Ich Stephanus Nufenger bürger zcu Fryberg bekenne — vor mich, Vrßula myne eliche wirtynne, vor alle myne erbin und erbnemen, das ich den ersamen Barthelmeuse 15 Brünsdorff bergmeister, Niclause Fredriche czendener, Petir Hofemanne, Hanse Drystiche, Niclause Grupener, Görgen Heydenryche zcu den geczyten vorwesern der knappschaft zcu Fryberg, daczu alle iren nochkomen und nemlich allen heüwern, die yczunt und zcu-kümffklichin syn werden zcu Fryberg, von dem dritten teyle des ackers, den sie vorerbit habin, der vor czyten Franczen Moldau gewest und bie dem Sperlinge gelegen ist und 20 der nu nehste von Nickel Harthuschen von kowffes wegen an mich komen ist, aller jerglich cyn schok groschen Frybergischer muncze, die do genge und gebe ist yn dem lande zcu Mißen, gebin und reychen sal unvorzogenlich, eyn halp schok uff sente Walpurgen tag und eyn halp schok uff sente Michels tag nehst noch eynander folgende, an arg und an alles hinderniße. Ouch so habe ich yn gesaczt eyn stücke ackers, das do nederhalbin an 25 desern dritten teyle bie dem wege gelegen ist, und globe mit urkunde dicz brieffes, das dasselbe stücke ackers von desern acker nicht emphremdet sal werden, uff das das der zeins uff dem acker deste bas befestiget und gesichert werde. Were ouch, ap die Frybergische muncze yn dem lande beßer ader erger würde, so sal yr dicz zcinses nicht mynner nach mer syn denne eyn schok groschen Frybergischer muncze. Und dasselbe 30 schok groschen ewiges und erbliches zcinses sal aller jerglich uff die genante tageziite gefallen zcu dem altare sente Eulogii, den man nennet der heuwer altar, den sie mit irer suuern erbeit yn unser liebin frauwen kirchen zcu Fryberg — gestiftet habin. Ouch was der spetal zcu Fryberg an dem vorgnanten dritten teyle ackers rechtes hat an zcinsen adir an teczem, das globe ich also abezurichten, das sie dorumbe nicht angelanget 35 sullen werden. Des zcu eynem sichern bekentniße habe ich mit wißen myn eygen ingesgil an desen keynwertigen brieff laßin hengen, der do gegeben ist noch gotis geburthe virzen hundert unde sechs und zewenczig jar an dem nehsten montage vor sente Dyonisii tage.